

## 【國文科高一寒假作業】附件三

### 唐宋詩背誦

#### 1. 王維〈輞川閒居贈裴秀才迪〉

寒山轉蒼翠，秋水日潺湲。倚杖柴門外，臨風聽暮蟬。  
渡頭餘落日，墟里上孤煙。復值接輿醉，狂歌五柳前。

#### 2. 崔顥〈黃鶴樓〉

昔人已乘黃鶴去，此地空餘黃鶴樓。黃鶴一去不復返，白雲千載空悠悠。  
晴川歷歷漢陽樹，芳草萋萋鸚鵡洲。日暮鄉關何處是？煙波江上使人愁。

#### 3. 李商隱〈無題〉（相見時難別亦難）

相見時難別亦難，東風無力百花殘。春蠶到死絲方盡，蠟炬成灰淚始乾。  
曉鏡但愁雲鬢改，夜吟應覺月光寒。蓬山此去無多路，青鳥殷勤為探看。

#### 4. 蘇軾〈和子由澠池舊懷〉

人生到處知何似？應似飛鴻踏雪泥。泥上偶然留指爪，鴻飛那復計東西！  
老僧已死成新塔，壞壁無由見舊題。往日崎嶇還記否？路長人困蹇驢嘶。

#### 5. 朱熹〈觀書有感〉二首

半畝方塘一鑑開，天光雲影共徘徊。問渠那得清如許？為有源頭活水來。（之一）  
昨夜江邊春水生，艤艫巨艦一毛輕。向來枉費推移力，此日中流自在行。（之二）